

SAKSPAPIR

Saksnr	Utval	Type	Dato
008/23	Ungdomsråd	PS	09.01.2023

Saksbehandlar	ArkivsakID
Silje Solberg	22/3620

Rangering av søknader til tilskotsordninga "Inkludering av barn og unge"

Rådmannen sitt framlegg til vedtak:

Ungdomsrådet sluttar seg til administrasjonen si rangering av søknadene.

Ungdomsråd - 008/23

UR - behandling:

Koordinator gjekk gjennom saka.

UR - vedtak:

Ungdomsrådet sluttar seg til administrasjonen si rangering av søknadene. Samstundes ber dei administrasjonen revidere retningslinjene til neste søknadsrunde, slik at ein får eit betre utgangspunkt for å vurdere søknadene. Samrøystes vedteke.

Saksopplysningar:

Saksopplysningar:

Osterøy kommune skal rangere søknadene som kjem frå frivillege lag og organisasjonar, private aktørar og andre offentlege instansar som ikkje er kommunar. Kommunen skal ikkje rangere sine egne søknader.

Kommunen skal rangere søknadene etter i kva grad dei svarer på lokale behov og kommunen sine planar. Rangeringa skal gjerast på grunnlag av målsettingar for det lokale barne- og ungdomsarbeidet i kommunen.

Heradsstyret vedtok retningslinjer for rangering av søknader til ordninga i oktober 2022 (sak 22/2965).

Bakgrunn

Målet med tilskotsordninga er å leggje til rette for at alle barn og unge skal oppleve meistring og samfunnsdeltaking. Målgruppa er barn og unge i alderen 0 -24 år som av ulike grunnar er i risiko for utanforskap. Tilboda kan rette seg mot barn og unge, eller òg deira familiar.

Risikofaktorar for utanforskap kan vere:

- Å vekse opp i familiar med lav inntekt
- Manglande sosialt nettverk

- Manglande tilknytning til skule/arbeid
- Manglande deltaking i fritidsaktivitetar

Vurdering

ÅPEN MØTEPLASS ØSTERØY

Intro DM AS skriv i sin søknad at dei skal tilby kostnadsfrie fritidsaktivitetar i open hall på Osterøy. Dei søker om midlar til å starta opp open idrettshall for ungdommar i alderen 17-24 år ein ettermiddag/kveld i veka. Det skal vera eit gratis lavterskeltilbod som ikkje krev ferdigheiter eller forkunnskapar for å vera med på. Deltakarane får enkel matservering. Det skal vera turneringar i fotball, volleyball, innebandy, kanonball og basketball. Det blir òg tilbod om klatring, boksing og enkel matlaging. Tilbodet skal halde ope heile året, inkludert i skuleferiane.

Intro DM AS nyttar ung-til-ung marknadsføring for å rekruttere deltakarar, samt at førstelinjetenesta viser deltakarar til aktivitetane. Intro DM AS skriv at dei skal samarbeida med Osterøy kommune i tillegg til andre etatar som Utekontakten, NAV, Konfliktrådet, kriminalomsorgen, Røde kors og lokale skular for å rekruttere deltakarar frå målgruppa.

Det er første gong dei søker om tilskot til aktivitetar på Osterøy frå denne tilskotsordninga.

Vurdering utifrå nasjonale og lokale kriterium:

Faktor (henta frå nasjonale måloppnåingar)	Poeng
Tiltak medfører ein ny møteplass for barn og unge	1
Tiltak medfører høgt sannsyn for at barn og unge vil delta	0,5
Tiltak er eit tilbod som er nytt i Osterøy kommune	1

Faktor (henta frå lokale plandokument)	Poeng
Tiltak i regi av frivillege lag og organisasjonar	
Tiltak som utgjer nye tilbod	1
Tiltak som aukar tilgjenge for barn og unge med funksjonsnedsetting	
Tiltak som er tilgjengeleg for barn og unge i familiar med økonomiske utfordringar	1
SUM	4,5

SFO-BRASS

Osterøy skulebrass skriv i sin søknad at dei ønskjer å tilby sfo-brass, eit gratis lavterskeltilbod til 3. klassingar på barneskulane på Osterøy. Skape eit rom for musikk, meistring og speglede, og skape ein døropnar inn i fritidsaktivitet.

Sfo-brass er eit gratis kurs som går over 8 veker i sfo-tida på skulen frå hausten 2023. Deltakarane får ein introduksjon til blåseinstrument, hovudsakleg kornett, enkel notelære og samspel. Deltakarane får tilbod om å byrja i Osterøy skulebrass etter kurset. Etter at dei byrja med sfo-brass hausten 2020, har korpset opplevd ein auke i medlemstal. Medlemskontingenten i Osterøy skulebrass er 300 kr i halvåret, som dekkjer det ein treng for å delta på øvingar, som instrument, notestativ, notar, opplæring i kulturskulen med meir. Korpset har ein arvekasse der konsertantrekk går i arv. Korpset ønskjer å skapa ein møteplass, og eit miljø for heile familien rundt korpset. Føresette er velkomne på alle øvingar, det er kaffi på kanna, og ein kan høyre på øvinga eller slå av ein prat med andre føresette.

Osterøy skulebrass sender ut informasjon til elevar, heimar og skular. Dei har dialog med skulane, sfo og Familiens hus. Dei skal samarbeida med tilsette på sfo og skulen, koordinator for ungdom og kultur i Osterøy kommune, og barn- og familieteamet på Familiens hus for å rekruttera deltakarar frå målgruppa.

Det er første gong Osterøy skulebrass søker om tilskot frå denne tilskotsordninga. Korpset byrja med sfo-brass hausten 2020. Administrasjonen vurderer at tilbodet framleis er i ein oppstartsfase, og det blir difor vurdert til å vera nytt.

Vurdering utifrå nasjonale og lokale kriterium:

Faktor (henta frå nasjonale måloppnåingar)	Poeng
Tiltak medfører ein ny møteplass for barn og unge	
Tiltak medfører høgt sannsyn for at barn og unge vil delta	0,5
Tiltak er eit tilbod som er nytt i Osterøy kommune	1

Faktor (henta frå lokale plandokument)	Poeng
Tiltak i regi av frivillege lag og organisasjonar	1
Tiltak som utgjer nye tilbod	1
Tiltak som aukar tilgjenge for barn og unge med funksjonsnedsetting	0,5
Tiltak som er tilgjengeleg for barn og unge i familiar med økonomiske utfordringar	1
SUM	5

Folkehelse

Deltaking i fritidsaktivitetar kan førebyggja utanforskap blant barn og unge, jfr. Bufdir sine risikofaktorar for utanforskap.

Miljø

Eit fritidstilbod i sfo-tida på skulen vil ikkje krevja ekstra transport til aktiviteten, noko som er positivt for miljøet. Eit aktivitetstilbod i ein eksisterande hall vil ikkje krevja bygging av noko nytt, og vil bidra til å nytta ledig kapasitet i bygget. Dette vil vera positivt for miljøet.

Økonomi

Deltaking i fritidsaktivitetar som er gratis eller kostar lite, kan førebyggja utanforskap blant barn og unge, jfr. Bufdir sine risikofaktorar for utanforskap.

Konklusjon

Basert på poenggjevinga, rangerer kommunen søknadene slik:

- 1.SFO-brass
- 2.Åpen møteplass Osterøy